



ШЫН

НИИТИЛЕЛ-ПОЛИТИКТИГ СОЛУН

1925 чылдың
август 31-де үнүп
эгелээн

№ 47 (17184)

2006 чылдың
МАЙ 4,
четверг

Номерни парлагже
дужааганы:
график езугаар – 21.00,
херек кырында – 16.00
Садар өртээ – 4 рубль.

Тыва Республиканың Чазаанда

КИЧЭЭНГЕЙНИ ХӨГЖҮЛДЕЖЕ УГЛАНДЫРАР



Россия Федерациязының Президентизиниң Сибирь федералдыг округта Бүрүн эргелиг төлээлекчизи А.В. Квашнин ажил-албан кылып Тыва Республиканың найысылалы Кызыл хоорайда дүүн, май 3-те, чедип келген. Тыва Республиканың Чазак Даргазы Ш.Д.Ооржак баштаан Тыва Республиканың Чазак кежигүннери Анатолий Васильевичини аэропортка хүндүткелди биле уткуп алган.

А.В. Квашнин, ону үдеп чоруур Сибирь федералдыг округтун аппарадының харысалгалыг ажилдакчылары самолеттан дүшкөн дораан-на, Кызылдың ажил-ижи, амыдыралы-биле таныжып эгелээн. Олар тудуг шөлдеринге баргаш, тудугжуларның ажилын, туткан бажыңнарны сонуургаан.

«Тыва Республиканың социал-экономиктиг комплекстиг хөгжүлдезиниң дугайында» айтырыгны чугаалашкан хуралды А.В. Квашнин Тыва Республиканың Чазак бажыңның хуралдаар залында эрттирген. Ооң ажилында Тыва Республиканың күүсекчи болгаш төлээлекчи эрге-чагырга органның удуртукчулары, ТР-ниң Улуг Хуралының ийи палатазының

депутаттары, муниципалдыг тургузуларның баштыңнары, федералдыг күүсекчи эрге-чагырга органның, бүдүрүлгелерниң, организацияларның удуртукчулары, политиктиг партияларның төлээлекчилери, журналистер болгаш өскелер-даа киришкен.

Тыва Республиканың Чазак Даргазы Ш.Д. Ооржак хуралга чүве чугаалааш, Новосибирскиден келген аалчыларга изиг байыры чедиргеш, Сибирь федералдыг округтун удуртулгазының Тыва Республикаже доктаамал кичээнге салып, хүн бүрү методиктиг болгаш практиктиг дузаны күүсекчи эрге-чагырга органның чедирип турары дээш четтиргенин илереткен. Тыва Республиканың

социал экономиказын хөгжүдеринге моондактап турар чөптүг чылдагааннар барын допчузубиле Дарга таныштырган. Оларга республиканың агаар-бойдузунуң шириинин, девискээрниң хөгжүлдезиниң хожудаанын, транспорт четкизиниң сайзыралының кош-каан болгаш өскелерни-даа хамаарыштырган. Мооң ужурундан Тыва Республика акша-төгери чедип-пес, төптөн хөй дотация акшазы ап турар девискээр болуп турар. Бо берге байдалдан уштунуп болурунуң аргалары болгаш курлавырлары бар бе деп айтырыгны Шериг-оол Дизижинович салгаш, оон дораан эвес-даа болза, чоорту үнериниң долу аргалары барын, ооң кандыг үндезиннери барын санап чугаалаан. Допчузу-биле чугаалаарга, каш чыл эрткенде Тываның социал экономиказы сайзыраар, төптөн дотация акшазы дилээрин эвээжедир, чоорту бодун боду акша-биле хандырынып турар болу бээр. Ону чедип алырда кандыг айтырыгларны шиитпирлээрин Чазак Даргазы чугаазында тодаргай айтыркан.

Хуралга А.В. Квашнин делгерей чүве чугаалаан. Кол кичээнге Тыва Республиканың социал экономиказын хөгжүдериниң айтырыгларынче угландырган. Кызыл хоорайга чедип келгеш, тудугжуларның ажилы-биле таныжып көргеш, тудуг херээ элээн хожудап турарын ол эскергенин чугаалаан. Тудугларны амгы чаа



уениң, чаа чүс чылдың негелдеринге дүүштүр кылырын, бажың төлөвилелдерин чаартырын, архитекторлардан негелделерни күштелдирерин ол саналдаан.

Республиканың социал-экономиктиг хөгжүлдезиниң үш денелдиг комплекстиг программазын бо чылдың сентябрьга чедир ажилдап кылырын Анатолий Васильевич чугула деп санаан. Чүге дээрге Тыва социал экономиказы өске девискээрлерден хожудап турар, ындыг болганда, ону дүрген сайзырадыры-биле чурттакчылыг черлерниң, кожууннарның, республиканың социал экономиказын хөгжүдериниң комплекстиг программаларын кончуг бодамчалыг, шын санаашкыннарны кылып тургаш, каяа, чүнү кылып алырын тодарадыр. Ооң соонда ол программаларны тус чер хуралдарында, ТР-ниң Улуг

Хуралында бадылааш, оларны амыдыралга боттандыраар дээш тодаргай ажил-херекти доктаамал кылып, күүселдезин хынаар. Бир эвес мынчаар ажилдавас болза, бурунгаар хөгжүлдө дүрген боттанмазын ол айтыркан. Тываның социал экономиказын хөгжүлдезиниң дугайында айтырыгны канчаар күүседип турарын Анатолий Квашнин боду хынаарын хүлээнип алганын чыылганнарга ол дыңнаткан.

Бо залда Тыва Республиканың бурунгаар хөгжүлдезин бүрүнүбиле харыылаар, ол дээш сагыжы аарып чоруур эң-не харысалгалыг шилиттинген удуртукчулар, ажилдакчылар олуржуп турардыр, оларның бир демниг ажилындан улуг ажил-херек бүдөр дээрзин ол айтыркан.

(Уланчызы 2-ги арында).

2006 чылдың май 9-та
14.00 шакта «ХҮРЕШ» стадионунга
Улуг Тиилелгениң 61 чыл оюнга
тураскааткан «Шын» солуннуң
шаңналы дээш тыва национал
хүрешке чаңчыл болган маргылдаа
болуп эртер.

ДЕТКИКЧИЛЕР

1. ТР-ниң Чазааның Даргазы Ш.Д. Ооржак.
2. ТР-ниң Чазак Даргазының Канцеляриязының удуртукчузу Д.Д. Ооржак.
3. Садыг бажыңы «Гаруда».
4. Республиканың одаар чүүлдү садып-сайгарар конторазы (начальниги А.Д. Ооржак).
5. Республиканың Аргарыг ажил-агый талазы-биле агентилел (удуртукчузу С.В. Сапелкин).
6. ТР-ниң Улуг Хуралының Хоойлужудулга палатазының депутады М.К. Куулар.
7. Күрүнениң механизастаттынган ажилдар чорудар эргели (начальниги С.В. Есипов).
8. «Федералдыг автоорук М-54 «Енисей» эргели (на-

9. «ВЕСТ-Офис» КХЭ садыг-бүдүрүлгө фирмазы (директору М.М. Шогжал).
 10. Кара-Хөл суму чагыргазы (чагырыкчы А.Д. Иргит).
 11. Тес-Хем кожууннуң «Чодураа» МУБ (директору Дарысю Ивановна Данзырын).
 12. Кызыл кожууннуң Ээрбек сумуунда арат Алаш-оол Монгуш.
 13. А.О. Хертек.
 14. Тес-Хем кожуун чагыргазы (даргазы В.Д. Кылан-оол).
 15. Эрзин кожуун чагыргазы (кожуун баштыңы А.Ч. Комбу).
 16. Эрзинниң Бай-Даг суму чагыргазы (чагырыкчы Д.-Б. Б. Чопуй).
- Деткикчилерниң кээри уламчылап турар.



КИЧЭЭНГЕЙНИ ХӨГЖҮЛДЕЖЕ УГЛАНДЫРАР

(Төнчүзү. Эгези 1-ги арында).

Ындыг болганда удуртукчулар республиканың хөгжүлдөзүнчө хүн бүрү сагыш салып ажилдаар, бодунуң хүлээлгезин ак сеткилдиг күүседир хүлээлгелиг. Бир эвес даандырган ажил-херезнче сагыш салбас, ону хол дашты-биле кылыр удуртукчулар илереп келир болза, оларны албан-дужаалындан дүрген чайладыр хемчеглерни алырын чугаалаан.

Ам болур депутаттарның сонгулдаларына чоннуң херезнге бердинген, олар дээш сагыжы



аарып чоруур, азаан чүүлүн ыяап-ла күүседип шыдаар езулуг чоннуң маадырларын депутатка сонгуп алырын ол саналдаан. Хоозун азаашкыннар кылыр, оларны күүседир дээш хемчеглер албас, хөй чылдарда депутаттап келгеш, чонунга ажыктыг чүнү-даа кылбаан депутаттарны катап сонгаан херээ чогуң айтыткан. Ынчангаш сонгулда компаниязының ажылын доктаамал хайгаараарын, бир эвес моондактар, шаптараазыннар тыптып келир болза, аңаа удур шиитпирлиг хемчеглерни алырын чыылганнарга ол дың-

наткан.

Анатолий Квашнин бүдүрүлгелерниң ажылын организаастаарының, продукцияларны болбаа-зырадырының, ажил чоктарны ажилга тургузарының айтырыгларын чугаалап тура, бүдүрүлгелерге чаа технологияны ажыглаарын, чиик өртектиг эки шынарлыг хөй продуктуларны бүдүрүп алырын Сибирь федералдыг округтуң, даштыкы чурттарның бүдүрүлгелериниң чижектерин кирип тургаш тайылбырлаан. Ол чыылганнарга ажыктыг болгаш өөредиглиг болганы билдингир.

А.В. Квашниниң чугаазында айтыпкан айтышкынарны күүседир дээш ТР-ниң Чазаа тодаргай хемчеглерни ажилдап кылырын, ТР-ниң социал экономиказын хөгжүдериниң комплекстиг программаны сентябрь айга чедир доозарын Ш.Д.Ооржак азаан. Хурал ооң-биле ажылын дооскан.

А.В.Квашнин хурал соонда Танды кожуунга баргаш, ажылың, амыдыралы-биле танышкан.

Бистиң корр.

Чуруктарда: хурал үезинде. **Василий БАЛЧЫЙ-ООЛДУҢ** тырттырган чуруктары.

ӨГ-БҮЛЕНИҢ ӨӨРҮШКҮЗҮ — ӨРГЭЭЗИНДЕ

Май байырларының бүдүүзүнде, апрель 29-та, Кызылдың Горная кудумчузунда 116 квартиралыг чаа чуртталга бажынын ажылгалга кириериниң байырлыг езулалы болган.



Назак Даргазы Ш.Д.Ооржак бажың алганнарга байыр чедирип тур.

Чаа квартираларның дүлгүүрлерин дайынның болгаш күш-ажылдың хоочуннары, ипотека чээлизиниң негелделерин езугаар аныак өг-бүлелер, хөй ажы-төлдүг болгаш чединмес өг-бүлелер алганнар.

...Паротурбинная кудумчузунга болган өрт халавының уржубиле бажың-балгат чок арткан өг-бүлелерниң бирээзинге Салбакай Хертектиң өг-бүлези хамааржып турган. Ам оларның эң бичизи 11 айлыг үш уруглуг өг-бүлези Чазактың доктаалын езугаар мында ийи өрээлдиг квартираны ап турары бо.

— Биске аар-берге үеде материалдыг болгаш моральдыг деткичени көргүскен бүгү кижилерге өөрүп четтиргенивисти, бо таварылганы ажыглап, илередирин чөпшээрер көрүңер. ТР-ниң Чазак Даргазы Ш.Д.Ооржакка, ооң удуртуп турар Чазак кежигүң-

неринге, хоорай чагыргазының ажилдакчыларына, бодумнуң ажилдап турарым үндүрүг инспекциязының коллективинге чүректиң ханызындан өөрүп четтиргенивисти илередип, мөгөйип тур бис. Өг-бүлениң өөрүшкүзү — өргээзинде дигир болгай, бистиң уругларывыс бажыңың кырында база бир дээвирлиг болган-дыр — деп, Салбакай Өдөковна өөрүшкүзүн илеретти.

Күш-ажылдың хоочуну Валентина Тевек чурттаар бажың алыр ээлчеге он ажыг чыл туруп келген. Ам инвалид апарган хоочунга болгаш кады чурттаары өг-бүлениң дөрт кежигүннеринге үш өрээлдиг квартираны бо бажында тускайлаан.

Дүлгүүрлерни ап турарларның арыннарында чырык хүлүмзүрүг, өөрүшкү чайнап турган.

Сергей ХЕРТЕК.

Май 1-де Кызылга

ЧЫСКААЛ. МИТИНГ



Шынап-ла, эки хүн болду, мурнунда хүн Кызылга чабстап, а Шуурмак, Хөндөргөй дээр ышкаш бедик арттарга хар чаап, харын-даа машиналар безин тайгактап турган болгай. Май 1-ниң хүнүнде дээр арыг, көк, чүгле мурнуку чүктү ээлэн эдир булуттар өссө-өссө, дүш соонда бичи оолдар хүрежи болуп, шыдыраа маргылдаазы болгаш өске-даа хемчеглер эртип турда, бораңнап, дыңзыг салгынап эгелээр, а дүне мырыңай күштүг хатче шилчээр. А чогум чыскаал, митинг үезинде тергиин эки агаар турду.

Аажок хөй-даа эвес, дендии эвээш-даа эвес чыскаалчылар болчаан шагында Ада-чурттуң Улуг дайыныга мөчээр дайынчыларга мемориал тураскаал чанындан шимчеп үнүпкен. Эң бажында совет үениң баштайгы алдаржаан машиназы, дайынның аар чүгүн база шыдажып эрткен «Уралмаштың» ЗиС-5-и бир дески ажилдап, таваар бар чор. Со-нуургааш, айтыра бээривиске, «Водоканалдан бис» деп чолаачызы харыылады.

Профэвилелдер ажилдакчылары, башкылар, профтехучилище сургуулдары, анаа чыгып келген чон... Россияның чамдык партияларының Тывада

салбырларының одургулары: аграржылар, «Төрзөн чурт», РФКП. Көңүс аныак «Россияның патриоттары» партияның республикада салбырының колонназы эңне хөй кижилиг, көрүштүг деритинип алган деп улус чугаалажыр болду. Олар Арат шөлүнге болган митингиге идепкейлин бадыткап турдулар.

Колонналар орук ара боттарының кол лозуннарын салып, «Ура!» деп чордулар. А Арат шөлүнге барганда, микрофон дамчыштыр дыңзыг үннер, «ураалар» аажок апарган.

Россияның Профэвилелдер федерациязының «Күш-ажыл кижизинге — төлептиг шалың!» деп

Бүгү-россия акциязынга кириштир Чаптың болгаш Күш-ажылдың байырларына тураскааткан митингиге Тыва Республиканың профэвилелдер федерациязының даргазы Л.О.Бурбучап эге сөс-биле ажыткан. Байырлал-биле холбаштыр чыылганнарга байыр чедиргеш, ол Россияда чурттакчы чоннуң орулгаларын бедидер, күш-ажыл кижизиниң ажил төлевирин чогуурубиле хандыар талазы-биле политика шоолуг дээш чок болуп турарын, ону амыдырап-чурттап болурунун денелинге чедир көдүрери улам-на сонгаарлап бар чыдарын, социал камгалалдың кошкан, энергия дээш база чурттаар оран-сава-коммунал ачы-дузазын ажил төлевирин өстүрбейн улгаттырып турарын, пенсияларның эвээжин болгаш өске-даа таарымча чок чүүлдерни демделээш, эрге-чагыргалардан «Күш-ажыл кижизинге — төлептиг шалың!» деп негелдени тургузар ужуруг бис дээр.

А.Д. Маркова кадык камгалал талазы-биле национал төлевилелди хүлээп алганын эки деп чугаалаан, ынчалза-даа шалыңны чүгле каш санныг мергежилдерге хамаарыштыр өстүрерин көргөн, а өске кадык камгалал ажилдакчылары ол төлевилелди күүседиринге база үлүүн кирип турар болгай, а оларның шалыңы чүгле бичибичиилеп өзүп орат, ол дээрге өзүп турар өртектерге канчап-даа дүүшпес. Россияның аграр партиязының Тывада салбырының удуртукчузу В.Данскорюнуң чугаазына кол черни көдээ ажылагый талазы-биле национал төле-

вилелди күүседириниң айтырылары ээлээр. Ол төлевилелди боттандырып киргени дээрге, дыка хөй чылдар иштинде көдээ ажил-агыжы кичээнгей кошкан

рының удуртукчузунун ораакчызы А.Хоюбан ук намның салып турар сорулгаларын тайылбырлаан, чижээ, орулгаларны ийи катап өстүрер, өртектерни чиигедирин



турганын бодаарга, тергиин эки бурунгаар базым болган. Ынчалза-даа херек кырында холубиле ажилды кылып чоруур кижилер банкыдан чээли алырынга бергедеп турар, чүге дээрге долаага салыр акша-хөреңгиниң хемчээли улуг, черле ынчаш долдурар документилер хөй, чамдык кижилер оларны чыып чадажып туруп бээр. № 4 ПУ-нун директору Н.Оюн училище дооскан оолдар, кыстар ук күрүнө төлевилелин күүседир ажилга киржир, ынчалза-даа оларны өөредиринде бергедеэшкенинниң хөйүн чугаалаан.

«Россияның патриоттары» партияның республикада салбы-

чедип алыр, чурттаар оран-сава-коммунал ажил-агыжының тарифтерин өстүрбес, эки бажыңнарын улус алган турарына дузалаар. В. Арчумаева өөредилге, Т. Запорожец коммунал ажил-агыжының нарын айтырыгларына доктааннар. Депутат Б. Балчий-оол чазак кежигүннерин болгаш «Чаңгыс эптиг Россия» партиязының Тывада салбырының удуртукчуларын бо хире чугула митингиге киришпейн турарын шүгүмчүлээр.

Митингигиң түңнелинде эрге-чагырга органнарына негелделерни хүлээп алган.

Владимир САВИНХТЫҢ тырттырган чуруктары. (Уланчызы 8-ки арында).

